



## Samstarfssamningur á milli Íþróttafélagsins Aspar og Mosfellsbæjar.

Mosfellsbær kt: 470269-5969 og Íþróttafélagið Ösp kt: 531184-1069, gera með sér svohljóðandi samstarfssamning:

### 1. grein

#### Tilgangur og markmið samningsaðila

Meginmarkmið samningsaðila er að leitast við að tryggja öflugt og fjölbreytt íþróttastarf í Mosfellsbæ.

Íþróttafélagið Ösp skal hafa það að markmiði í starfsemi sinni að bjóða börnum og unglungum skipulagt íþróttastarf undir leiðsögn menntaðra og hæfra leiðbeinenda þar sem forvarnargildi íþróttar er haft að leiðarljósi. Samhlíða að leitast við að hlúa að keppnis- og afreksíþróttafólki þannig að það náð sem bestum árangri.

Mosfellsbær mun styðja við fjárhagslegan rekstrar- og starfsgrundvöll félagsins með samkomulagi um afnot íþróttamannvirkja og beinum fjárframlögum.

### 2. grein

#### Framlög Mosfellsbæjar

Mosfellsbær skal greiða Íþróttafélaginu Ösp árleg fjárfamlög og skal félagið ráðstafa þeim á eftirfarandi hátt til starfsemi félagsins.

##### **935.586 kr. Framlag til barna- og ungingastarfs**

Framlaginu skal verja til barna- og ungingastarfs félagsins. Framlag hvers árs hækkar í samræmi við breytingu launavísitölu miðað við janúar ár hvert, auk 3% á ári til að mæta væntanlegri fjölgun iðkenda.

##### **165.103 kr. Framlag til afreks- og styrktarsjóðs**

Framlaginu skal verja til að styðja almennt við einstaklinga eða hópa innan Íþróttafélagsins Aspar, sem verið hafa til fyrirmynnar. Einnig að veita leiðbeinendum félagsins styrk til að efla þá í starfi. Framlag hvers árs hækkar í samræmi við breytingu launavísitölu miðað við janúar ár hvert, auk 2% á ári til að mæta væntanlegri fjölgun iðkenda. Gera skal grein fyrir hvernig framlaginu er varið í regluglegum skýrslum til Mosfellsbæjar.

##### **Framlag til afreksþjálfunar**

Félagið fær úthlutað 5 kortum til notkunar í líkamsræktarstöð sem tryggja á sérhæfða styrktarþjálfun afreksíþróttafólks í Íþróttafélaginu Ösp.

### 3. grein

#### Greiðslur

Framlög eru greidd í tveimur jöfnum greiðslum 1. janúar og 1. júní og skulu greiðslur taka mið að breytingum á launavísitölu, sbr. 2. grein. Hækkun vegna vísitölu kemur til greiðslu 1. júní. Öll

framlög til félagsins verða gerð sýnileg á vef bæjarins auk árshlutauppgjörs Íþróttafélagsins Aspar þegar þau liggja fyrir.

Félagið skal senda Mosfellsbær reikninga fyrir fjárfamlögum skv. 2. grein. Dagsetning reiknings skal vera 1. dagur þess mánaðar sem kveðið er á um greiðslu framlagsins. Mosfellsbær áskilur sér tvær vikur til úrvinnslu reiknings áður en hann er greiddur. Reikningar eru greiddir inn á þann bankareikning félagsins sem tilgreindur er á innsendum reikningi. Féluginu er óheimilt að veðsetja eða ávísa greiðslum skv. samstarfssamningi þessum til 3ja aðila.

Árlegar greiðslufjárhæðir eru ákvarðaðar með fyrirvara um fjárhheimildir í árlegri fjárhagsáætlun Mosfellsbæjar.

#### 4. grein

##### Samskipti samningsaðila

Stjórn Íþróttafélagsins Aspar tryggir að erindi til Mosfellsbæjar fari um stjórn félagsins. Íþrótt- og tómstundanefnd Mosfellsbær kemur fram fyrir hönd bæjarins varðandi framkvæmd samningsins.

Íþróttafulltrúi Mosfellsbær annast dagleg samskipti við Íþróttafélagið Ösp vegna samningsins. Formaður Íþróttafélagsins Aspar kemur fram fyrir hönd félagsins við Mosfellsbær varðandi dagleg samskipti og nánari framkvæmd samningsins.

#### 5. grein

##### Ábyrgð stjórnar Aspar og upplýsingaskylda til Mosfellsbæjar

Stjórn Íþróttafélagsins Aspar ber ábyrgð á rekstri og fjármálastjórn félagsins og tryggir að bókhald sé reglulega og réttilega fært. Í áætlunum fyrir næsta ár skal aðgreina rekstur unglingsastarfs frá öðrum rekstri og þurfa áætlanir að liggja fyrir 1. nóvember.

Stjórn Íþróttafélagsins Aspar skuldbindur sig til að leggja fram gögn til Mosfellsbæjar um fjárhagsleg málefni félagsins varðandi starfsemi félagsins í Mosfellsbær svo og fjölda, aldur og kyn barna- og unglingsaðila eftir því er leitað og innan tímamarka. Gögnin verða hluti upplýsinga sem birtar verða á vef bæjarins um hvernig fjármunum sveitarfélagsins er varið.

Allir styrkir og framlög Mosfellsbæjar greiðast til stjórnar sem annast ráðstöfun greiðslna í samræmi við samninginn

#### 6. grein

Mosfellsbær áskilur sér rétt til að skilyrða allar fjárveitingar til íþrótt- og tómstundafélaga, að þau setji sér siðareglur, viðbragðs- og aðgerðaráætlun í tengslum við þær og skulu félögin fræða starfsfólk sitt um kynferðislega áreitni/ofbeldi og hvers konar annað ofbeldi. Einnig skal félagið stofna og/eða hafa aðgang að óháðu fagráði sem tekur á móti ábendingum og kvörtunum iökenda og ábyrgðaraðila. Félögin skulu sýna fram á að farið sé eftir jafnréttisáætlunum og jafnréttislögum í starfi og aðgerðaráætlun þar sé skýr. Hafi félagið ekki gert jafnréttisáætlun með aðgerðaráætlun skal það gert.

## 7. grein

### Endurskoðunarákvæði og gildistími

Samningurinn gildir frá 01.01.2018 til 31.12.21 og fellur þá úr gildi án uppsagnar. Fyrir 1. júní 2021 skulu samningsaðilar endurskoða samninginn með það að markmiði að nýr samningur taki gildi í upphafi árs 2022.


Mosfellsbær 20. júní 2018

F.h. Mosfellsbæjar



Haraldur Sverrisson  
bæjarstjóri

F.h. Íþróttafélagsins Aspar



Helga Hákonardóttir  
Helga Hákonardóttir  
formaður